

貴州通志館 惠存

玉屏縣長鄭一平敬贈

三十七年九月

貴州玉屏縣誌

卷一

玉屏縣志總目錄

甲 目次

一 省政府楊主席序言

二 省政府李祕書長序言

三 袁廳長序言

四 鄭縣長序言

五 舊志序言

六 各種地圖

乙 三舊志內容

丙 附錄——玉屏縣近況

一 目次

二 鄭縣長告本縣地方紳耆各級幹部及學校教師

丙 州書

三 玉屏縣概況

四 縣參議會參議員一覽表

五 縣府重要職員一覽表

六 文委會委員一覽表

七 各機關首長及鄉鎮長姓名一覽表

二 縣政府各局處首長姓名一覽表

一 縣政府各局處首長姓名一覽表

甲 目次

玉屏縣志目錄

27
玉屏縣志目錄

卷之首

舊序

示文

小引

凡例

姓氏

目錄

圖說

卷之一

星野志

分野

氣候

祥異

卷之二

區域志

沿革

分界

形勢

山川

關梁

風俗

古蹟

墳墓

卷之三

建設志

城池

公署

倉廩

祠祀

坊表

郵遞

兵防

寺觀

卷之四

學校志

學宮

秩祀

釋菜

祭器

祭品

陳設

樂器

舞器

樂章

學宮
藏書

學田
賓興

生員
額數

鄉飲

卷之五

賦役志

戶丁

存留

驛站

積糧
貯戶

市場

物產

卷之六

職官志

名宦

遺愛

文職

武統

卷之七

選舉志

進士

副榜附

身人

武舉

副榜

薦辟

恩拔

歲貢

例貢

監生

庶司

武職

卷之八

人物志

鄉賢

忠烈

孝義

宦蹟

懿行

文學

遺 逸

烈 女

仙釋

卷之九

事紀志

事紀

雜紀

附

卷之十

藝文志上

臥碑

諭告

奏疏

教

諭祭文

文序

書後

疏引記

藝文志中

議

考

傳

墓

志表

塔銘

啓

30
玉屏縣志卷之首

圖說

周禮職方氏掌天下之圖以知天下之地圖綦重矣玉邑一彈丸耳然皇華大道水陸交通為全黔門戶東達荆湘南由沅屬西溪之西境踰黎平抵粵北則參錯銅思石三郡為楚蜀往來捷徑固巖邑也其疆域廣隘封畛暨訖以及山川要隘所在與夫道路險易遠近方向綴以繪事庶司鎖鑰之寄者一展卷而燦若聚米焉已作圖說

縣境圖

本至北

東至楚省正江縣界

黃陽大中印刷所承印



江



西至青溪縣界

羊坪壩
龍塘戶

縣	玉
城	屏

紫雲山

紫家寨

木照戶

龍潭塘戶

龍潭塘戶

喇哈坡

茂龍塘戶

毛坡戶

長沖戶

天水坪戶

圍倉坪戶

白雲山

玉屏山

正平山

青水壩

七星橋

野雞坪

白岩

太平河

飛鳳山


七星山

南山

南界

玉屏縣政府編印

城 縣




貴陽大印所承印

卷首圖
三
玉屏縣政府編印

圖

所流樓



官極


署


樓

門





門

玉屏縣署圖






學宮



貴陽大中印刷所承印



南山圖

七星峰







紫氣山圖




卷首圖

七

玉屏縣政府編印

萬卷書巖圖





石蓮峯

東山嵐

萬卷書

坪紙

正屏山

洲硯

錦驛

飛鳳山圖





如率冒可庶寫

飛鳳山

玉皇閣

玉屏縣志卷之一

星野志分野

氣候


祥異

推分星次始於軒轅周禮保章氏以星土驗九州之地所
分之域以觀妖祥誠以天道人事常相為感兆玉雖叢爾
一隅有土有星亦必有推測天道遠人道邇欲協應於三
辰先敬用於五事有未可視為微茫而忽之者而氣候之
不齊災祥之偶現亦關陰陽之化故附之作星野志

〔星圖〕

翼宿圖

十八度七十七分



軫宿圖


十七度

左轄



長沙子

右轄




軍門

土司空



青邱



器府

〔分野〕

軫之野

翼軫分野

舊志

翼軫荆州

注翼二十二星軫四星

史記天官書

翼二十二星凡十九度軫四星凡十七度

經星

楚地翼軫分野今之武陵楚分也

漢書地理志

翼軫鶉尾也初張十五度餘中翼四度終軫九度

唐書天文志

自張十八度至軫十度曰鶉尾之次楚分野

帝王世紀

固取三統曆十二次配十二野其言最詳又有費直說

周易蔡邕月令章句所言頗有先後魏太史令陳卓更

言郡國所入宿度今附而次之自張十七至軫十一度

為鶉尾於辰在巳楚之分野屬荊州

費直起張十一度蔡邕起張十二度晉書天文志

江南道古揚州南境岳鄂潭衡永道郴邵黔辰錦施敘獎

蕪播思費南溪漆為鶉尾分

唐書地理志

唐一行分天地山河為二戒觀兩河之象與雲漢之所終

始而分野定焉武陵今之常德也奄及辰沅入軫十度

之野

唐書地理志

州郡躔次陳卓范蠡鬼谷先生張良諸葛亮譙周京房張

衡並云翼楚荊州武陵人軫十度

晉書天文志

張十六度至軫九度鶉尾之次也湖廣之常德府辰州府

沅州皆翼軫分

明史天文志

玉邑昔屬楚衛舊志翼軫分野按班固漢書地理志有

云陳鄭之國與韓同其星分鄭雖歸楚天文自如其故
蓋地理有割並而天文無變遷也今玉雖改屬黔天文
亦自如故但翼軫之分亦微有辨為考列朝天文地理
各書野之所分度之所入雖遠近多寡互有異同而楚
翼軫所入南陽南郡江夏各郡度皆入翼零陵桂陽武
陵各郡度皆入軫再查楚通志東近揚為星紀為翼終
斗初是翼專在楚北江夏各郡而自武陵以上各郡則
皆屬軫玉在武陵之西地與辰沅相錯自專屬軫舊志
兼翼則楚之全分星野上驗災祥下明休咎所關甚鉅
故僭以管見析為軫之野以質諸後之為甘石者至其
星之所主及各占驗則不復贅云

〔氣候〕

山明水潔霧暖風輕氣候應時歲序和協冬無嚴寒夏無

酷熱

舊志略

春溫夏燠秋涼冬寒四時節序頗類中州穀菽之耕穫蔬菓之生植順時應候皆無差忒

〔祥異〕

〔明〕

正統七年旱

景泰六年旱

天順二年秋七月大水

成化三年旱

正德元年大疫死者甚衆

隆慶三年三月辛未雨雹平地水深三尺漂歿廬舍

萬曆二十九年旱

萬曆四十六年時疫大作死者甚衆

天啓元年洪水飄蕩城市淹死數百餘人

天啓七年城東北隅兔兒坪產芝九莖謫宦豫章熊明遇

賦詩紀瑞

詩載藝文志

崇禎元年火廬舍沿燒幾盡

崇禎二年虎吼南崗入城為患

崇禎三年彗星見

崇禎十六年民間羊產子兩頭

43
（國朝）

順治十六年旱

順治十七年旱黑虫蔽山草木食盡斗米千錢民賴採蕨

以活

康熙八年四牌坊火

康熙十七年四月初七日夜紫氣山祖師殿雷轟遶殿不止禪僧省念燃燈於祖師鼻孔內夾出大蜈蚣一條雷一轟迎手掣去次日於城外拾回火剪祖師金容無損
康熙二十六年夏蝗形白而小從稻穀心中食出傷稼甚多

康熙二十七年五月大雨蛟起黃平山水衝溢而下田園

廬舍多被漂歿水推屋壓死者甚衆

康熙五十年南山有聲如鳴鼓

康熙五十三年大有年

康熙五十九年五月大水城外民居市肆漂歿過半

雍正元年有年

雍正七年產嘉禾

雍正八年七月梨花盛開

雍正十一年七月初七日聞空中有呼救火聲閱半月鼓

樓街民沿燒數家

雍正十一年八月十八日戌亥時月華

雍正十二年冬太白晝見

雍正十三年正月初六日東南角有星大如盂從下升上
隨有小星五六與作鬪狀大星不動小星墜而復升如
是數四忽墜不見復有衆多小星飛入大星內亦隨滅
不見

雍正十三年春太白晝見天鼓鳴是歲苗復叛

乾隆元年四月大水淹至城內三牌坊北門館驛一帶民
居盡皆推歿知縣張能後每戶每間給銀六錢

乾隆元年十一月南明樓災

樓下緊接茅塔
無損時頗爲異

乾隆十三年五月梅花盛開

乾隆二十年四月初三日大風雨雹自思郡木岔起掠過

縣境西偏約三十里許壞屋拔木樹葉多禿

乾隆二十一年四月二十四日大水館驛被淹北門外沿河民房推去十餘戶知縣李永祺每戶每間給銀五錢乾隆二十二年歲大熟米豆價平

論曰分野之說諸家互有異同或有謂分野星次何必在中華一隅直斥為疎誕者然自分野既定而後災祥占驗上見於分星下應於國土又毫無所爽何耶李淳風謂華夏為四郊之中當二儀之正聖人觀象分配四埜或取水土所生或觀風氣所宜因係之以成形象之應當為篤論故今唯據各正史載之以備占候修省之一助紛紜之說可略而不論

45
玉屏縣志卷之二

區域志

沿革
關梁

分界
風俗

形勢
古蹟

山川
墳墓

玉屏古雄溪地屬楚西鄙自水路通於莊躋溪蠻平於新
息華谿藍縷山林漸闢秦漢以後設黔中郡又為沅陵為
沅州路地皆屬焉尤相傳為盧陽後省入麻陽非僅羈縻
州而已前明置軍建衛重在屯守我

朝威靈遐暢裁衛設縣規制愈為盡善為黔門戶控楚咽喉
最關衝要山川形勢足資鎖鑰至若關司啓閉渡設利濟
考古蹟以標名勝移風俗而返淳良夫孰非官斯土者所
當加之意哉作區域志

〔沿革〕

昌朝貢荊州之域

春秋楚巫黔中地

戰國楚巫黔中地

秦黔中郡

漢武陵郡

魏晉宋齊並武陵郡

梁沅陵郡龍標縣

隋沅陵郡龍標縣

唐沅州一曰潭陽郡潭陽縣

宋沅州潭陽郡盧陽縣

元平溪軍民長官隸管番民總管

明平溪衛

皇司玉屏縣

順治康熙年間仍平溪衛
雍正五年改今縣隸貴州

按縣古為荊州荒裔春秋戰國俱楚巫黔中地秦漢以後郡邑建置不常析併不一自梁於漢巫縣置龍標縣唐貞觀八年以龍標縣置巫州天授二年改沅州開元十二年又改巫州大曆五年改渝州潭陽郡領潭陽縣地皆隸焉後歿於蠻宋熙寧七年章惇收復其地以潭陽縣置盧陽縣以辰州招諭麻陽二縣來屬八年又併入麻陽縣屬荆湖北道故縣又為盧陽縣地後省入麻陽元世祖至元二十七年設平溪等處蠻彝長官司隸管番民總管明洪武二十二年置平溪衛隸湖廣行都

司萬曆二十九年十一月改屬貴州三十一年四月還屬湖廣

國朝順治康熙年間仍平溪衛止裁指揮設衛守備屬湖廣都司及辰沅靖道但學校屬黔地方錢糧驛站屬楚諸多未便雍正五年裁衛設縣撥楚歸黔而規制始大定矣

(分界)

東至湖廣沅州界十里

西至本府鎮遠清溪攙雜交界二十五里

南至湖廣沅州界三里

北至本府界二十里

東西廣三十五里

南北袤三十三里

按玉屏縣舊為平溪衛所轄平屯麻屯沅屯三屯雍正六年奉

旨劃清地界經黔楚兩省會議將附近湖廣麻陽縣之麻屯撥歸麻陽附近湖廣沅州之沅屯撥歸沅州將附近玉屏縣之沅州西溪六里撥歸玉屏前署縣盧奉文到日遵將沅麻兩冊籍移送沅麻兩州縣雍正八年據沅州將平三一里中之四八兩甲撥歸玉邑東門外與其平二里及平三里之一二三五六七九十等甲田土相連南門外與其平四平五平六田土相連僅存坡嶺坟

山自東門外起至鮎魚堡黃泥坡止由明至今歷係軍山屬玉管理一切夫馬及修路等項為玉邑人民應役其餘地界皆與沅屬參錯自分之後兩屬各照地界安塘設汛而沅屬幅幘遼闊玉與毗連會哨分巡最關緊要至東北八十里尚有玉屏地界又皆村田畝孤懸於本府黃道司及青溪並沅州三屬境內畸零撓雜若就縣治辨方正位所云其細已甚與於邾莒之末幸矣

〔形勢〕

岡巒秀拔水勢滌環龍塘當邛水涵洞之衝南巖振銅仁

施乘之要

通志

獅象西峙天馬東騰據五溪上游扼百蠻要害

〔山川〕

迴龍山 在城正中南山脈勢入城稍伏至此忽復聳起高十餘丈正面南山形家謂之迴龍顧祖

印山 橫亘城中前面學官後倚南山形正如印形家謂城中出貴由此

紫氣山 城西隅周圍三里陂陀回互竹木蒼蔚四面溪山飛嵐拖翠一登眺間皆可撮其奇勝一名瑞雪禪林

東山 城東一里萬卷書巖後蓮峯北聳潏水西來一邑烟火村墟妙入圖畫

天馬山 在城東一里山自南山迤邐而東又自正東向北橫亘矗空而起奔騰雄峻勢如天馬行空接連書巖

橫踞水口作縣城之回護元宣慰使曾屯兵其上

月屏山 在城東三里俗名龍塘坡山形如屏每望時月
從此出故名

三台山 在城東五里山頂高處突起三峯上插雲表最
為秀拔

七星山 城南半里田東南由黎平天柱發脈蜿蜒三四
百里至縣南特聳七峯層疊而下結為縣治俯瞰平江
對峙巒宮逶迤起伏儼如星象故名

南山 城南半里接連七星山勢博厚橫亘而下山麓下
即城垣一邑主山也上有古楓數百株霜時爛熳如錦
相傳宋元時物今廢

道定山 在城南三里與雙薦峯並峙

界牌山 在城南二十里山形高聳環城四面一望在目
為邛水湍洞鬼廬諸苗出入要路

獅子山 城西二里雄踞江口

象鼻山 城西二里與獅子山對峙野雞河之左右有若
門戶中通一澗架橋其上為黔楚要隘

飛鳳山 城西五里一名衆香山羣山攢簇中聳一峯秀
插雲表旁舒兩翼狀若飛鳳竹卉蓊鬱雲烟晷靄右腋
石壁如削中有石隙瀑泉飛白僧人架木攀援始登絕
頂野鷄河水遶流其下如環如玦上多蘭茝幽香四時
不絕邑人士多讀書其上往往獲雋先正謂地靈故多

人傑焉

白雲山 城西十五里俗名觀音山峯巒秀崛攀登絕頂
一郡勝蹟歷歷在目

玉屏山 在城北隔江山勢由鎮思兩郡綿亙百餘里至
縣西境層疊而下依江結穴屹立如屏擁護西北形勢
疊石穿江為學官之後脈明時紅苗犯境衛人於此駐
兵堵禦故又曰營盤山

鎮平山 在城北沙灣其山拔地突起後與玉屏山陂陀
相接羣峯競遶一水環流鳥語松濤眺聽清笑上有觀
音閣一名淨瓶山

紫雲山 在城北二十里茂龍塘溪山幽勝人跡罕至

移山 水經注熊溪南帶移山山本在水北夕而風雨旦而山移水南故山以移為名 按山命未詳所在姑錄

備考

萬卷書巖 城東一里懸巖峭壁疊石千層儼若牙籤萬

軸橫亘江左俯視灘水西來征帆上下遊人恆留連不忍去明大司馬熊壇石謂蓮峯側峙峯瓣如筆卓立為筆峯巖下深潭不波水黝如墨為墨潭文水洲浮水面如鵠眼為硯洲前俯沙坪滑淨如魚網為紙坪為書巖天然四景云

銅鼓巖 城東五里上有石洞擊之鏗然有聲

屏風巖 城東十里石如列屏俗名掛榜若有崩墜邑人

士必有登科歷驗不爽

白巖 城西三里

八角巖 城西三里野鷄河

團巖 城北三十里一名鐵柱營巖形聳峻上可望見銅
仁梵淨諸山古有菴今燬

蠟巖 城北六十里通銅仁施溪六洞水銀等山諸苗路
最為險要昔常集鄉兵防守

雙薦峯 城南三里較羣山獨高每天雨雲霧先於此興
石蓮峯 城北二里大江之右與萬卷書巖隔江對峙舊

名獨秀峯峯頂聳蓮七瓣俗又謂鼓角梅花相傳張三
丰曾修鍊其上下俯澄潭明月滉漾水光山色迴環掩

映風景幽勝大司馬熊壇石鐫有石蓮峯三大字

點軍坡 城西一里水月庵左首雍正八年知縣張能後栽杉一萬餘株葱翠陰森極壯形勢惜為人砍伐所餘者萌蘖之生而已

卓嶺 城北十里通朱家場及銅思石各郡要路

兔兒坪 城東北隅明尚書鄭逢元書院逢元偕劉芳久

章閣然鄭君錫洪恩榮洪運昌劉芳早鄭民安張佐宸等讀書其中天啓七年丁卯坪忽產芝九莖是科芳久發解逢元等八人先後俱皆獲雋適應九芝之數而明科目亦遂止焉大司馬壇石熊公有詩紀瑞

載藝文志

壩坪 在城南六十里南通革溪天塘西通西溪湍洞等

王屋山志
處明時立堡駐兵防守

野鷄坪 城西五里明時為滇黔大路地頗平行元時思

州軍民長官司駐此

皂莢坪 城西北五里康熙十九年定遠平寇大將軍固

山貝子章泰統征南將軍穆占綏遠將軍蔡毓榮建義
將軍杜興珠江南總督董衛國貴州提督趙賴雲南提
督桑格等由湖廣克辰龍關駐平溪屯管此地自二月
至八月凡歷七月攻破鎮遠進取貴州

平江 城北水發源於黃平州城東三十里之舊城西為

鎮陽江上流至思郡洋坪境匯灑異諸水至縣繞城而

東凡七折達於沅江即古雄溪五溪之一又通志載黃

平州城北三十里有北攸河一名都凹水即無江之源
兩水蓋合流而下注於平江為沅江之上游雄溪雄字
一作熊見水經注無江今鎮遠也

文水河 城東郭外匯城東諸山澗水入大江口浮起二
洲或圓如月或凹如硯或銳如圭如笏現形不一而沙
內空水流不去空亦不陷形家謂之印浮水面邑人發
科洲必倍長有角因目為瑞洲焉

易家河 城東流於平江

野雞河 在城西二里水至清駛源自西溪梭溪諸山溪
水會合經飛鳳山野雞坪象鼻山入於平江

太平河 在城西二十五里水經龍塘入於大江

太平灘 在城西二十里舊名

險靈灘新易今名龍門灘 在城東北者
巖東列蓮峯西峙中湧一灘飛翠奪目

方竹洲 在天星橋西洲產方竹堪為拄杖然不常有

柴冲洞 在城東二里故老傳洞有神每旱禱雨輒應即

大旱年亦必少資潤溉卮酒豚蹄之祝歲常不免焉

白水洞 在城東十二里水飛如練下瀦為潭雨亦不溢

旱亦不竭昔有善水者入見石田石龜石琰石柱右旁

一洞依洞而上明亮可望十里半壁有洞都閩袁桂等

構六六亭立碣於洞口亭廢

鮎魚洞 在鮎魚堡大江右石壁百丈中凹一洞洞中一

石垂若魚形故名

鱗魚洞 在城西二十五里產鱗魚

金銀洞 在城北五里水清而瀏由兩河口入於大江相

傳洞中有神能以銀假人後人有負之者其洞遂閉

雞公洞 在城北三十里朱家場洞中流水一泓清澈凶

時不竭可溉田百十餘畝

仙人洞 在團巖下洞口甚狹入內塏爽有小溪水常不

竭

龍塘 在城西二十五里太平堡下為邛水諸苗要路明

時苗寇蒙倫薄城由此

大四方井 居城正中形方如印水性最涼邑人多仰汲

於此

乾隆戊寅邑人洪選昌莊必位胡虞錦熊珍倡首修濬

茆家井 在南門內井水至涼大旱不竭

鹽井 在城西南二里人飲其水多有鹹味故名

煤炭坳 在城東三里

附(八景)

嶺疊七星 城南七峯層疊而下狀若北斗俯瞰平江晴
巒帶翠雲樹鋪烟登之眺遠豁人心目

巖堆萬卷 疊石如卷上舊有亭曰萬卷樓臺曰秋興亭
俯視灑水西來澄潭百尺清碧蕩漾居然山水清音

南山鳳翥 城西南羣山攢聚中聳起一峯旁舒兩翼狀
若飛鳳故名

北浦漁歌 萬卷巖前渚清沙白漁人網集其下每夕陽

西墜清風徐來水聲漁歌互相響應客舟高士踏月以

聽

玉虹飲澗 城西二里天星橋濱江跨河二水爭潺左獅
右象兩山對峙飛鳳玉屏又遙相映帶橋形高拱儼若
長虹之下飲於澗中風景頗勝

天馬騰霄 城東天馬山其勢奔逸雄駿有若騰雲故名
石蓮漾月 峯頂聳石七瓣高十餘丈狀若削成其下澄
潭如練明月映空宛若芙蓉數瓣蕩漾其中昔聞棲息
仙靈今更供人遊眺一邑勝景也

文水浮洲 城東北三水合流匯入萬卷巖下中浮為洲
邑人以洲消長十科第多寡故曰文水洲

〔關梁〕

界牌哨 城南二十里昔設有哨防禦山南黑苗今廢

卓嶺哨 城北十里昔設有哨防禦河北紅苗今廢

秋溪哨 城西二十里

在城堡 在城西關明初設有堡官防禦今廢

南寧堡 城東二十里明時設防紅黑二苗今廢

鮎魚堡 城東三十里有堡城

羊坪堡 城西三十里明時設禦黑苗有堡城

上渡 城西北由此渡至本府較中下渡近五里

中渡 城北門外

下渡 城東北南為館驛北為沙灣

黃榨渡 城東北五里

掛榜渡

城東北十里

三分渡

城東北十五里

大屯渡

城東北二十里

路梁渡

城東北二十五里

小地渡

城東二十里

秋溪渡

城西二十里

渡賓橋

城東門外跨文水河上黔楚通津舊名濟師橋

康熙三十三年重修改今名

永興橋

城東七里乾隆九年里民吳明先楊楚珍等募

建

南寧堡橋

城東二十里石橋三洞

積善橋 城東二十里鄭東田募建

文水橋 城東北

通河橋 城東北地舊名楊柳溝又曰八蠻洞口文水通

河二橋橫順連接為邑泊舟集貨處前明盛時極其繁

麗稱小南京雍正二年五月溪水暴漲橋被沖沒石不

悉推無存江右客民徐以遂獨力任修鳩工購石悉罄

已貲不辭勞瘁朝夕督勸及已疾革易箒之夕猶囑其

子竭力以觀落成好善之念誠且堅矣邑人田榕為記

勒石

長生橋 在城東三十里鮎魚堡之米寨溪向係木橋屢

建屢圯乾隆四年廣福菴僧濟淳同里人徐名標徐名

成楊光隆等募建石橋往來稱便邑人田榕為記勒石
天星橋 在城西二里野鷄河河當黔楚通津康熙九年
邑人洪運昌田起圖許各世田起虬鄭君謨洪國衡洪
國寧偕水月菴僧崇拙等四十二人各捐重貲倡募共
費白銀三千餘金建大石橋築堤捍水橋高三丈餘長
二十丈下通七孔以殺水勢左傍獅子巖右接象鼻山
規制宏麗乾隆二十年水暴衝決南首兩洞彌陀菴僧
人會山獨捐百金修補規模雖不及前功亦不可沒也
因併及之

南門橋 在城內萬家衙前城南諸山溪水由水竇入城
凡歷橋八繞免兒坪由北水竇入於大江

三家橋 在城西十里舊名單家橋明謝誠謝魁王耀等

建

太平橋 在城西二十五里

廣嗣橋 在小北門外城西南諸山溪水由水竇入邊

出北水竇入於大江

洗脚溪橋 在城東十五里相傳紅苗犯境衛人卻之苗

敗洗脚於此逃歸因名

普濟橋 在城東十六里崇陽坪乾隆十五年孟繼宗募

建

永寧橋 在城東十八里乾隆十五年孟繼宗募建

長寧橋 在城東二十里南寧鋪橋三洞乾隆十六年僧

自茂同楊君玉陳壽章等募建

永祥橋 在城東三十里鮎魚堡坡脚梁士其陳上達熊
昆生等募建

(風俗)

風俗愿樸未雕人情華實相半

舊志序

宋元以來土彝雜處自明開設語言服習大類中州 俗

尚醇良民恥健訟有太古之遺意焉

舊志略

士子彬彬有禮甚可觀

孫勳使黔日記

冠禮

廢久不行

婚禮 男女各因門第求配先通以媒妁卜吉擇日先具

問名納采禮聘儀各從厚薄男家備鸞書先開子生年

月日時於右曰乾造女家開女生年月日時於左曰坤
造付回男家將婚男家再具茶禮釵鈿彩帛鵝酒菓餅
之類曰過禮隨又送禮報日迎娶先一二日又復送冠
簪並鵝酒之類曰冠笄女家隨力備妝奩迎送男家曰
鋪床次日盛鼓吹用提燈飾綵輿往迎取花燭之義間
有親迎者女用悅覆首登輿至壻家必於親長中擇諳
禮一人導引於房壻親揭悅相答拜行合巹禮是夕有
煖房宴次日黎明男女謁祖先畢拜翁姑新婦陳茶菓
鞵帕為贄以次拜內外親族其長親各以釵鈿之類為
婦貽越三日男家備席送至女家曰回席三日內女家
亦具酒筵送女曰三朝飯謝媒妁亦如禮匝月女始歸

寧亦備禮物相隨後往來如常雖六禮之成未必悉遵古制然大概民間於婚嫁亦不甚苟簡尚覺禮俗相參也

喪禮 親歿隨力具衣冠沐浴畢進殮殯於中堂列案於前書主列燈燭品供男女哭踊散髮披麻子則徒跣擇吉時掩殮即成服齊衰期功總麻各以等親朋吊者散巾帶或止用巾或並無巾視乎親疎親族遠者用訃或陳訃單於門里巷聞者咸赴吊相答拜至親代送客子若孫執杖守柩寢坐用薦席取苦塊義每逢七日設供薦亡多用楮錢葬必先卜吉地再擇吉日信形家言求其與子孫五行無犯者葬期先一二日治席請諸親朋

執事樹銘旌陳明器豐厚之家務為侈靡親朋祭奠各隨厚薄或醮儀製幃至親備羊豕酒醴楮帛諸儀用祭章祭時俱用鼓吹孝子席地哭答拜稽顙不出戶開吊或一日或二日備酒席尚豐潔葬前一二日民間間有善歌者唱歌徹夜曰歌堂雖相沿惡習音實悽愴或亦古者輓歌之遺也發引日鼓吹導前孝子以下執紼哭送至墓地下窆畢孝子捧主鼓樂導至家堂安位祭拜如禮過三日孝子草鞋踵謝或拜諸門外喪禮雖未悉遵古制要亦不甚相悖惟用釋道誦經此則與家禮有違耳

祭禮 親初喪朝夕供湯飯葬前三日俱陳牲醴日凡三

祭越三日復山祭墓並祭后土至逢節序祭祖先遇親
生忌日致祭皆備餽饌間以時蔬外如里社有祭祈禳
有祭儺賽有祭多用磁餅豚蹄鷄魚等類再若二月有
文昌會五月有關聖會三閭大夫會五月及十二月有
城隍會又皆釀錢致祭祭畢聚飲而散以上諸祭雖豐
儉大小不一要皆誠敬從事古人亦有行者惟染時疫
信鬼野祭此為楚人相傳之陋習矣

歲時立春 縣官綵仗迎春東郊農民塑土牛各行辦臺
閣由東門出北門入繞匝竟日點綴太平景象亦差可
觀是日飲春酒食生蘿蔔謂可却睡

元旦 五鼓起迎龜神燃九品燭敬 天地次陳菓供拜

祖先午間更設饋饌致祭並祭土地及農家所司六畜之神以祈一年蕃息祭畢叙長幼坐自少至長飲屠蘇酒是日水不覆地謂之聚財越日攜饌祭奠先墓後彼此宴會謂之春酒竟月乃止

元宵 製小湯元曰元宵獻祖先或相餽送小兒女用帕巾蒙笄簪以花朶兩手托之問衆事曰紫姑神自初十起至十六日止龍馬各燈絡繹於市又有飾兒童為綵女一隊十二人持花籃燃燭其中以絙為大圍緣之踏歌歌十二月採茶中有數章番禺屈大均曾採入廣東新語謂其有近於雅云

社日 採野蒿煮社飯前數日祭新墳謂不過社

清明 插柳於門前後三日上墳掛紙錢男女俱出

端午 插艾葉菖蒲於門正午飲雄黃酒小兒用塗眉耳
諸處凡男女未畢姻者競送節禮角黍雞豚之類女家
答以女紅午後競渡龍舟盛時尚有擲鴨相賞者即古
弔屈原之遺意也

六月六日 俗謂土地生日家競設祭

中元節 前五日堂設几筵曰迎祖每日上食供食物如
事生禮十三日紙封楮錢陳牲醴祭畢焚之曰包袱十
四日更致奠曰送祖衆競釀錢延僧道為盂蘭盆會

中秋 製大餅貼金曰月餅並西瓜享祖先畢或相餽遺
夜間置酒切分家衆曰賞月

重九 是日摘茱萸飲菊花酒以辟惡氛俗春餠餅糝以豆粉為餽節之禮喜事者登高然不常行

臘八 採茱萸煮粥曰臘八粥造酒曰臘酒味倍清冽是日以後家競宰殺鷄豚蓋無論貧富云

小除 二十四日謂小除俗云司命上天前一夕淨廚用神馬草豆香菓之類閤家虔誠致祭曰送竈至除夕復祀迎之曰接竈是日以後家多置酒私讌曰團年小兒競用鑼鼓曰鬧年

除夕 曉起掃除庭院換春聯貼門神用五色紙鑿錢掛門曰鬧門錢樹雙炭於門以紅紙束之曰將軍炭春餠餅蒸粉餌曰年饊設祭祖先後飲分歲酒先少後長向

夕辭年守歲燒松竹生柴響聲燁劑更放紙爆無算雖
取驅逐邪獠鬼魅之義而無益之費實不少也

按風俗各處不齊固地氣使然而轉移亦視乎人事其
間淳澆良頑勤儉侈惰一家或彼此參差一人或後先
變易習尚美惡均有關人心世道吾邑前明時官軍兩
籍多江南人其語言服習以及吉凶諸禮歲時各儀皆
有江左之遺士子習絃誦尚氣節恥佻達農業畝畝工
精技藝各循禮安分問所謂遊惰廢業飲博蕩產與夫
囂陵詐偽鬪爭訐控諸惡習無有也今則雖無老成人
而典型猶有存者夫時會有變遷而風俗有移易勸勤
儉警游惰講禮讓釋忿爭革薄從忠還淳返樸有心世

道者當留意焉

(古蹟)

南明樓 即鼓樓明永樂年間建舊傳基址方向俱張三
丰所定其始基以堅礎豎以巨柱其上棟桷題楹之類
凡累三層一夕而就亦傳為魯班所造人多怪誕其說
及上下審視有用斧鑿者有絕不用斧鑿者了莫得其
層累穿鑿之痕雖有巧匠皆以為非人力明末流寇南
寧侯張先壁駐兵衛城盡搜寺鐘鎮河抓搭浮橋至斯
樓鐘忽自鳴取者懼不敢動其靈異如此

上馬石

城中關帝廟相傳宋元時建未有城先有廟威

靈赫弈幼童讀書廟中偶獲見者後皆貴顯門外左右

兩石色紫如玉根深固不可移轉俗謂帝君上馬石

送寨巖洞 城東三里鹿皮道人栖息處溪口石壁鐫有

大字剝泐不可辨

銅鼓 在城東五里巖有石洞敲之鏗如銅鼓相傳馬伏

波略定五溪時駐兵於此

得勝樓 在西城上明御史余翱有記

襄陽文志

石蓮丹竈 在石蓮峯舊傳張三丰修鍊處藥爐丹竈遺

跡彷彿可辨

六六亭 在城東北十二里白水洞口

秋興亭 在東山上萬卷書巖後明時名人題咏頗多今

廢

萬卷書臺

萬卷書巖上明建今廢

鴻雪草堂

明天啓年間孫章擅石熊公滴平時建取蘇子瞻飛鴻踏雪之句名曰鴻雪草堂修衛志於此衛人士經其品題得成其為佳士者甚衆

望江樓

在北門對江玉屏山上首明時建澗水西來沅江東逝登臨眺望可盡數十里溪山之勝樓今雖廢基址猶存

廢思州府署

在館驛明隆慶二年遷於平溪萬曆五年

復遷回舊治

廢野雞坪等處蠻彝軍民長官司

在野雞坪屬思州宣

慰司元置

廢思州驛丞署

在館驛東關

廢稅關

明時權稅處一在沙灣北一里一在館驛東關

俱上下往來必經之道

墳墓

壽母墓 在城西二十五里響塘明都御史侯位母夏氏

一百八歲諭賜祭葬

許昇墓 在城北五里兩河口明時諭賜祭葬

許時墓 在城西二里象鼻嘴正德時諭賜祭葬

侯位墓 在城西十里

鄭泰墓 在城東三里花開手

唐一鵬墓 在城北三十里巖門

張佐宸墓 在城西五里夾巖

鄭逢元墓 在城北二十五里茂龍塘

論曰疆域無論大小盤石之安苞桑之固所期則一玉
邑蕞爾一區在昔苗蠻為患軍屯軍衛之設所以養民

即所以衛民今則苗疆已闢可永無剽掠之患然城鄉
道路通楚達蜀則審其山川扼塞之所在足恃為詰奸
而禦暴者亦未可忽與

玉屏縣志卷之三

建設志

城池
坊表

公署
郵遞

倉廩
兵防

祠祀
寺觀

建設莫大於城池周禮掌固氏所掌崇隍濬池壯國威戒不虞也而聽政出治表具瞻比維巖公署亦要焉至若郵置傳命兵防衛民壇宇以崇祀典倉廩以重積貯皆關政治之大者即譙樓坊表寺觀等類或有關國計或有益民風亦無一之可忽焉作建設志

〔城池〕

明洪武二十二年指揮使許昇等督建周圍九里三分高二丈城五門樓五座別置水櫃七座明季被兵殘缺康熙五十年衛守備吳丕烈補修雍正七年署知縣盧造量修

乾隆三年知縣張能後領帑重修續有坍塌乾隆二十二年署知縣趙沁領帑重修

按舊志略衛舊無城為古宣慰宋寨地明洪武十四年沭國公分滇駐師辰州府因苗人出沒不常道路多阻遂於沅州羅舊驛起雲南楊林驛止設立七十二堡以通行旅設百戶一員世襲冠帶總旗一員老戶兵十八名建堡於城北地名黃土坡至二十二年指揮使許昇領軍到衛建衛乃始築城

譙樓 即鼓樓在城中十字大街永樂年間指揮鄭恂洪福督建樓三層上層額曰靖遠曰綏柔下層額四一曰黔楚襟喉一曰一方觀望一曰四鎮屏藩一曰天南半

壁順治庚寅康熙辛未兩次增修乾隆元年燬於回祿
九年知縣張能後捐廉倡募重修一名南明樓詳古蹟
有記載藝文志

按乾隆九年重修邑侯張實捐廉四十金捐貲倡首凡十餘人其欣然樂助共勦展成者甚衆勒有碑記所有
姓名及捐銀數俱見碑陰茲無庸贅載

〔公署〕

縣署 在城內坐北面南即舊衛署洪武二十三年建明
季傾圮康熙三十三年守備陳以治重修雍正九年知
縣盧造敬刊

上諭慎刑木榜永示堂署

大堂五間

戒石亭 在大堂前正中

儀門三間

頭門三間

吏典房左右各三間

後堂五間

內宅五間

內耳房六間

內書房六間

監房七間 在頭門內右

土地祠 在大堂左

典史署 在三牌坊右

按舊志載衛署安設龍亭為各指揮會議政務公所事

畢各歸私第外有經歷司署在衛署左分司署在衛署
右又有思州府行署在右所街平清守備署在城西門
今儒學署即分司舊址也附載備考

公館 在三牌坊右康熙五十四年守備吳丕烈創建乾
隆二十一年知縣李永祺二十二年署縣事趙沁先後
增修

守備署 在城西南隅雍正七年建為遊擊署乾隆二年
改為守備署

把總署 在印山左

〔倉廩〕

常平倉 在縣儀門內六間頭門內十二間內署十八間

共計三十六間

社倉 一在縣署內餘分建於茅坡大灣坪羊蔡屯朱家
場披頭寨朱家坪唐家屯喇哈反龍塘田埂坪新莊梅
路大屯南寧堡鮎魚堡邱家灣馬家屯共計一十六處

(祠祀)

社稷壇 在西郊外

風雲雷雨山川壇 在先農壇左

先農壇 在東郊外較場前坐北面南

厲壇 在較場北面

城隍廟 在東門大街明永樂時建乾隆十二年邑衆增

修

關帝廟 在城中鼓樓北明建乾隆十三年僧人恆恕偕
衆公募重修

以上載在祀典其餘寺觀俱載於後

〔坊表〕

〔明〕

百歲坊 在南門前所街嘉靖時為鄉飲大賓田盛時建

今廢

百歲坊 在城西北小十字街為都御史侯位母夏氏建

今廢

都護坊 在百歲坊前為都御史侯位建二坊相連明

世宗御賜對聯九重恩滿三臺府萬里春回百歲堂今

廢

四牌坊 在東門大街萬曆年間為巡按御史唐一鵬建

上層匾四曰父子御史曰天朝耳目曰三代天巡曰皇

華天使下層匾四曰秦浙紀綱曰皇都得意曰節制七

藩曰一鶚橫秋今廢

總兵坊 在中所十字街為高崗鳳建今廢

三牌坊 在中所所十字街明建匾二一曰騰蛟起鳳一

曰羣鳳朝陽今廢

孝子坊 為汪浩建成化年間奉 旨旌表

書香坊 為袁氏建匾曰世代書香

孝子坊 為何恩建弘治時奉 旨旌表

孝子坊 為鄭嗣廉建

天乙坊 在城東

東明坊 在城東隅

中和坊 在中所街

太乙坊 在城北隅

張氏貞節坊 衛人許可之妻隆慶三年奉 旨旌表建

洪氏孝女坊 衛人洪鏗女明 時 奉 旨旌表建

(國朝)

唐公遺愛坊 在三牌坊左雍正十二年縣民為邑侯唐

公枚建

氏貞節坊邑人許其仁妻雍正 年奉

旨旌表建

劉氏貞節坊

在東門大街增生洪瑄之妻雍正九年奉

旨旌表建

張氏貞節坊

在東門大街縣民陳世傑之妻乾隆二年

奉

旨旌表建

夏氏貞節坊

在城東隅縣民洪期昌之妻乾隆九年奉

旨旌表建

鄭氏貞節坊

在鼓樓西街廩生田種心之妻乾隆九年

奉

旨旌表建

王氏貞節坊 在中所街縣民夏之驢妻乾隆五年奉

旨旌表建

陳公遺愛坊 在西關外水月菴上首乾隆十三年邑人

為邑侯陳齊襄建

孟氏貞節坊 縣民邱文炳之妻乾隆十三年奉

旨旌表建

江氏貞節坊 在太乙坊邑生員田賦 之妻乾隆二十

年奉

旨旌表建

戴氏貞烈坊 在迴龍山前郡人凌方璧之妻乾隆十二

年奉

旨旌表建

〔郵遞〕

各項領銀及支給等銀俱載賦役志內

玉屏驛

在城內縣署右上至青谿驛五十里下至湖廣

晃州驛六十里

馬王廟

在馬號內

額馬

五十匹每季補買馬八匹

馬夫

二十五名

長夫

一百名

按玉屏舊無驛站明永樂年間思州府設驛於縣城東關外專令驛丞一員管理馬政額馬係思南鎮遠石阡

三府並楚省麻陽縣朋當此舊例也迨

國朝順治十六年內貴州安設驛站發馬五十匹責令思州府推官何元紀領二十五匹暫令平溪衛守備王伯元領二十五匹分槽朋應因何推官奉調入闈詳請驛馬盡歸平溪衛管理後遂承為定制鄭逢元有設驛始末考載藝文志

東門鋪鋪司三名

永充鋪鋪司三名

三家橋鋪鋪司三名

以上每名每日給工食銀一分口糧一升本縣支領

〔兵防〕

明初指揮使等領兵五千六百一十四名屯戍

永樂年間更調蘄州衛官軍戍平溪衛

按明洪武七年申定衛所之制大率以五千六百人為一衛一千一百二十人為一千戶一百一十二人為一百戶每百戶所設總旗二人小旗十人大小聯比以成軍又申定兵衛之政征調則統於諸將事平則散歸各衛二十年始命名各衛立掌印僉書專職理事同知僉事各領一所以指揮使掌印士卒有武藝不嫻器械不利者皆責所領之官又軍有馬旗軍有屯軍有舍丁有軍餘等成化間設兵備道督各衛所嘉靖以後添設參將守備諸官始有招募之兵此前明兵制之大略也

國朝順治十五年指揮奉裁設駐防千總一員領防兵一百

名俱於沅鎮五營輪撥康熙初年改設把總一員領兵五十名康熙四十三年復設千總一員領兵一百名繼又改設把總沿至雍正五年撥歸貴州改衛設縣撤回沅協防兵奉總督部院鄂

題將鎮遠協分防思州遊擊移駐玉屏帶領千總一員把總二員馬兵二十五名步兵二百名專汛雍正七年撤回遊擊留把總一員外委一員帶兵五十名分汛乾隆二年復撥鎮遠協標中營守備一員把總一員外委一員帶兵一百五十名專汛

大較場 在東門外渡賓橋上首

小較場 舊在城西點軍坡脚上首今廢

演武廳五間 在大較場坐南面北

東門塘

北門水塘

三家橋塘 在城西十里

紅巖塘 在城東北十里掛榜

顯靈灘水塘 在城西二十里

以上五塘每塘汛兵三名

朱家場塘 在城北三十里係本府外委一員帶兵五名

並本汛兵十名共十五名防汛

旗纛所 在城內縣治右今廢

普濟堂 在較場北

棗流所 在城西關

漏澤園 在較場東角舊在東關右首因地湫隘豁齒暴

露邑人洪國鼎買地在此

以上三條附

〔寺觀〕

東寺 在東門內明萬曆時建乾隆九年邑衆公募重修

二郎神祠 明建今廢附城隍祠後相傳永康導江縣高

濟王次子至宋永豐時民立廟灌口祀之封靈思侯明

封顯真君又稱清源妙道賢聖真君明時由蘄州衛調

至平溪屯戍官軍征蠻至灌口地界獲神庇佑因立祠

祀焉其在蘄州祀神尤謹六月二十四日相傳神誕日

有盛會載盧綏蘄州志

南寺 一名嘉興寺在城南萬曆七年建康熙五十二年

僧宗傳增修

福主廟 在南門內明永樂時建乾隆十年邑衆重修

瑞雪寺 在城西紫氣山前祖師殿明成化二年建康熙

四十五年僧明源復修後殿取今名雍正五年僧實法

增修

清虛宮 在瑞雪寺前乾隆十二年僧天祐建

祖師殿 一在紫氣山一在南寧堡

北極觀 在城北門內明建乾隆十一年邑衆重修

五顯廟 一在城內迴龍山明永樂時建乾隆九年重修

一在對江之正平山明建

廣嗣宮 在城內迴龍山康熙四十八年守備吳公丕烈
建於三牌坊右乾隆二十一年邑侯李公永祺趙公沁
倡同邑紳士洪治洪遐昌田煦夏家大洪其權唐錦夏
宗玉夏茂賢僧人玉篆等公募移建於此

水府廟 在城外館驛明初建戊巳兵變毀圮康熙五十
年重修 按廟枕山麓控水道凡舟行遇風濤及有祝
融之災禱之輒保無恙邑人饗祀弗絕

東嶽宮 在東門外明初建康熙八年重修乾隆十二年
邑人鄭必會增修兩廊十殿

觀音閣 東嶽宮後乾隆十二年邑人鄭必會捐資創建

水月菴 在城西一里在城堡明初千百戶

田王施呂張
唐顏姚邱劉

等二

十三戶創建康熙六年僧崇拙倡同衆姓重修乾隆五
年僧隱樵倡同衆姓增修

三閣大夫祠 昔有專祠今廢附祀城西水月菴前殿

飛山廟 在北門外明建乾隆十八年增修並建前殿

文水寺 在正平山明初建崇禎六年僧惠然重修康熙

四十八年僧純陽增建觀音閣

真武廟 在飛鳳山明初建嘉靖甲子僧真雲重修萬曆

壬午僧如正繼建後殿康熙三十年僧雲石重修乾隆

六年僧明性改建又添建前殿

新息祠 在城西十里顯靈灘

紫雲菴 在城北二十里紫雲山菴頗雅潔

74
白雲菴 在城西十五里王家坡明時建乾隆五年僧大

海增建

青蓮寺 在城北二十里雍正十一年僧大成鼎建

永祥寺 在鮎魚堡街東

廣福林 在鮎魚堡堡城東

萬壽宮 在城北倚城面江康熙年間江西客民公建乾隆二十一年築堤拓基增建戲臺

壽佛寺 在朱家場乾隆十一年湖廣客民公建論曰國

家之有建置期於可大尤貴於可久玉自有明至今諸

所創設代有經畫規模式廓已非一日然而城垣必金

湯之永固也兵防必干城之足恃也公署常表具爾之

瞻郵傳時壯皇華之色以及壇宇足肅几筵倉廩不虞
朽蛀有其舉之莫或廢之有其創之當思有以繼之而
已矣

重刊玉屏縣志序

玉屏原係翼軫分野，水陸交通，東下辰阮而達湘漢，西溯澧水而至貴陽，南沿沅屬之西溪，而抵兩粵，北經銅思石而通川楚，在昔雖屬巖疆，然驛馬肩輿，絡繹旅途，官舫商船，往來河道，是玉邑為黔東門戶，關係全黔，綦重要也。前清康熙十二年癸丑，山左王（公）士梓，治平溪衛，奉文纂修衛志，嗣因吳三桂之變，兵燹頻仍，僅遺殘編斷簡，雍正五年，裁衛設縣，撥楚歸黔，規制始定，至乾隆二十二年，邑令趙君沁，乃創修縣志，自任總裁，思州府閩太守塏，任監修，一時人文薈萃，不日樂觀厥成。迄同治三年甲

子。逆苗變亂，玉城失守，文籍灰燼，邑紳鄭毓楨殉難，而獨將縣志一部搜藏保存，玉邑精華，迄今尚彪炳燦爛，實鄭君之功績，故津津傳播人口，雖死猶榮矣。今縣長鄭君一平，以地方志乘，屢遭兵火，現所遺者，僅鄭君保存之一部，設不幸散失，必至文獻無徵，乃慨然籌資翻印，並將最近省溪併入玉屏後之政教設施，續附篇末，藉明概況，特句序於余。余為考其疆域之範圍，山川之形勢，古蹟名勝之富，風俗之純美，援古證今，燦然大備。從此總其方略，垂為典範，俾後之君子，得以覽觀焉，則此次重刊之功，為不朽矣，是為序。

大中華民國三十七年三月二十九日廣安楊森

重刊玉屏縣志序

玉屏縣志，實本於平溪舊志而來。在昔平溪建衛，隸屬湖南，劃入黔版以後，即歸思州府所轄。其地岡巒挺秀，水流滌洄，環城各山，則有迴龍、飛鳳、七星、三台、天馬、紫氣、諸名勝，水則有平江、文水、易家、太平、諸河流。山川鍾靈，歷代人才輩出，極聲名文物之盛。且忠孝節義之士女，流風餘韻，不絕於耳，載在簡冊，洵不誣也。古稱魯多君子，楚產賢才，夫豈限於一時，囿於一地而然哉。玉邑於全黔，不過一彈丸地耳。踞五溪之上游，原為土著蠻荒。近年以來，涵濡文化，人傑地靈，漸變為錦阡繡陌。所

謂土地、人民、政事、非有賢才為之保障幹濟，擘劃經營，三寶作用，將焉所取。惟善為寶，所寶惟賢，此秉國鈞者，所當汲汲策劃推進者也。今鄭君一平主治玉邑，適值地方經費支絀之際，獨能先其所急，籌資翻印縣志，并刊附省溪歸併後之始末。其重視典章，保存文獻之苦心，已昭然而若揭。推斯意也，將見親山川物產，而思利用厚生，親藝文選舉，而思偃武修文，至其他區域之經劃，地方之開發，學校之擴充，賦役之平均，治安之鞏固，職官吏事之整飭，無不網舉目張，胥臻美備，庶幾日月孟晉，今後之臨斯邑生斯土者，有所觀感，聞風興起，足以立懦而廉頑，

復得援据典則，益趨發皇，厥功甚偉，不僅區區以重刊斯志見長也。予既深韙鄭君之高識毅力，爰貢先難後獲之箴言，秉筆而為之序。

中華民國三十七年三月二十九日萬縣李寰

重印玉屏縣志序

文物之更替與世運之盛衰休戚相關暉陰互映是以重典籍蓋承古而勵今也玉屏縣志於明萬曆躋天啓五年逮清康熙癸丑間經熊公壇石王公士梓鄭公天虞趙公滄洲柴公實也田公端雲等先後修纂乾隆二十三年刊行於世凡茲縣之變革民情與先民之秀傑者無不徵引畢載計合十卷用存典模俾為規鑑宜其珍覽祕藏不踳而走也惟以歷歲悠久兵燹民瘁自所不免黎民顛頓轉徙不遑志乘亦幾淪於蕩然豈不傷哉民國三十六年鄭縣長一平攝篆玉邑疾文獻之無徵也藻翰之泯滅也遂以重印縣志為己任遐邇尋索於縣紳鄭以杰先生處幸獲全部金篋孤篇蔓衍一

三
旦羣情歡恰遽籌資付印於民國三十七年春排版成書索
序於余謹為之序以啓後之覽者

袁世斌於貴州省民政廳

重印縣志弁言

縣之有志，猶家之有譜，國之有史。山川人物之盛衰，風俗政教之得失，靡不羅而紀之。為後世文獻之徵考，其重要性自無待贅述也。玉屏為黔東門戶，位湘西上游，轄地四千一百平方里，人口六萬有奇。環城有紫氣飛鳳諸山之秀，江河有澗水龍洞二水之流，水陸交通，舟車鱗比。當明清之季，賢豪倍出，誠可謂地靈而人傑者。惜其志乘，屢遭兵火，所遺僅邑紳鄭以藩君保存一部，鄭以藩君逝世，即由鄭以杰君珍藏。設一旦有所散失，往事之稽，則憂乎其難矣。歷任諸公，雖有見及，多以政繁而中止。平於民國三十五

年秋來權斯篆，下車即有所感，故於政務叢脞，經費支絀之際，亦竭其棉力，用籌將事，謹將原本翻印，以廣流傳。惟近代史實，尚未修輯，若一一而編纂之，自非短時財才所能；然又不能不稍加補紀，以備遺闕，雖屬斷簡殘篇，亦當藏珍拱壁。爰就民國三十年省溪併入本縣後最近六年之各項建設，政教設施附諸篇末，藉明概況。至往史之如何重修，未來之事蹟如何續纂，則有待於後之賢者。平愧才力弗逮耳，邦人士其鑒諸，諒諸。

遵義 鄭一平謹識

民國三十七年元月
於玉屏縣政府

周禮邦國之志小史掌之四方之志外史掌之志之有
關於政治蓋綦重矣余守思郡之明年歲在戊寅署玉
屏令別駕趙君以玉邑所纂新志示余屬為之序玉為
郡轄首邑距郡僅一舍許舊為楚之軍衛雍正五年改
縣隸黔為滇黔門戶控荆楚上游固一衝要地也余觀
思之為郡介于黔楚之變玉邑一彈丸耳其界尤興沅
芷相錯漢唐五代盤踞於五溪蠻宋元以後割據於土
宣慰沿至有明郡設有守衛置有軍而紅黑二苗仍不
時出沒郡之與衛唇齒之邦聲援堵禦迄無寧日幸值
我

朝列聖相承威靈遐暢有苗之格鬼方之克文德武功奄

有千古舉向所號化外之疆椎髻卉裳之俗今胥格面
格心列入版圖隸于編氓官斯土者可蒙業而安矣然
而其山溪之參錯關津要害之控扼村寨田土之摻雜
孰黔孰楚為郡為縣所當畫疆而守分疆而理者苟非
平日洞若觀火曷克張弛允協哉此山川形勢在縣得
犬牙之制在郡即為繡壤之錯者也矧夫土地之圖人
民之教周禮地官所謂以佐王擾安邦國者皆守土所
有事也六一縣之事即一郡之事縣專其責郡總其成
然竊聞之善為政者辨土性而物土之宜因俗尚以施
八政之教故期事所有事必先知所當知循覽斯志則
不出戶庭而一邑之情形瞭然在目庶俾宰茲邑者可

無負於百里之寄而守是郡者亦蘄無忝於良二千石
焉則所以黼黻

皇猷光昭

邇治其為裨益豈淺鮮哉是為序

昔

大清乾隆二十三年歲次戊寅季春

中憲大夫知貴州思州府事加五級前戶部廣東司員外

郎廣寧閻塏撰

玉屏縣誌序

歲丙子予自京師之官黔中入黔境即為玉屏縣縣故
平溪衛也昔隸於楚今屬於黔見其山川之秀爽人物
之都雅與向之建衛置軍日逐逐於干戈矛戟之間者
迥不相類蓋天下之平久而涵濡於

聖皇之德化固已深矣未幾予捧檄攝篆茲邑矢志作而新
之以謂為治者順人情宜土俗察典禮治兵農利無不
興弊無不革庶幾乎不汨汨於簿書錢穀至以俗吏貽
譏踰年邑之士大夫既與予志脗合而為民者若農若
賈亦多悅予之教故獄訟不繁而囹圄空虛凡事之有
益於斯邑者為創為因咸得次第而舉行焉然而徵文

考獻以求所謂土地人民政事足以存千百年以來之
故迹為後人而觀覽而興起者往往難之何者遺老已
罕有而志乘多闕略也予用是謀之 廣文柴君舉邑
之 田孝廉訪輯舊文而整新之孝廉曾出宰百里博
學而嫻於掌故為之排纂當乎體裁一時文學諸子欣
然樂從且以予分俸未足願輸資以藏其事爰於重九
之日經始予復不時相與商推自天文疆域戶丁賦役
以及人才物產靡不提綱挈要一一書之言必徵信寔
質毋華事必核實寔直毋諛旁搜博採焚膏繼晷閱三
月而告竣較之殘編斷簡犁然燦然其可觀也顧吾因
之有感矣蓋玉邑介在偏沅之中上為滇黔門戶下達

五溪諸蠻最為咽喉要地當明之季永甯奢崇明反於蜀水西安邦彥反於黔結連苗獠犯我邊陲朝廷至設重臣以堵禦之如朱燮元閔夢得等皆節制湖廣五省等處軍務躬履行間剿除兇惡由是稍稍甯息其亡也又遭張獻忠孫可望之徒屢肆鴟張荼毒生靈而平溪一衛岌岌乎其殆吾不知人民何在雞犬何存田疇廬舍盡付荆棘之叢其又安能與斯民從容而談政教耶今則人生聚地闢治安居樂業以供上之賦役而縉紳士夫胥以詩書禮樂陶鎔其間父與父言慈子與子言孝下逮閨門婦女亦莫不守持節操以成風俗之美試一取斯誌而觀之恍乎如在目前是誰之賜歟予故曰

涵濡於

聖皇之德化者深也處乎斯邑者胡可忘諸耶茲予以誌之
既成樂得而序之而復為道其昔之凋弊今之安全者
如此以見大化翔洽一道同風蒸蒸然可日進於古也
是予之厚望焉

昔

乾隆二十有二年歲在丁丑嘉平月上浣之吉承德郎
署玉屏縣事候補府通判加三級吳興趙沁謹撰

玉屏縣志序

平溪衛志在前明無可考矣康熙十二年癸丑山左主
公士梓蒞衛奉文纂修旋遭逆藩之變迄未成編而兵
火流離荏苒十年一時操觚諸公相繼物故今所存者
斷簡殘編而已訛舛之不免漏遺之尚多亦時勢使然
矣今歲在丙子

邑侯垣曲李公盛意主修未及授簡會有北上之役事遂
寢而繼之者為今

吳興趙公由郡佐來攝縣事下車甫一年實心實政百廢
具舉念邑不可無志復銳意主修屬搭編纂而公自
裁定焉予觀癸丑諸公當纂修時去明未遠覽其緒言

業有疊經兵燹文獻無徵之慨而望後人之成三易莫
英凡事在癸丑前者約增十之六七其在後者如建置
沿革之更新土地人民之改隸城郭之增築祠宇之創
建學校規制之弘備職官之設有司兵防之駐專閫而
且蠲租給復與 賞賚之時聞建坊給匾俾苦節之不
沒皆我

朝隆恩異數駿烈鴻圖前冊所不載前人所不及覩也今獲
生際

昌期躬逢其盛得援筆而書之豈非幸哉惟是斯志之修不
獨往事多無可攷即晚近之事亦有案據殘失無可稽
者雖徵文考獻點定皆自

總裁而採訪未周見聞不確舛訛終不免也漏遺仍尚多
也是誰之責也嗚呼此又予訂其訛補其缺意蓋惓惓
矧今相去又八十有五年老成凋謝掌故淪亡較昔尤
甚網羅諮詢其難什倍曷可冒昧從事繼又念舊志已
略而往代之遺聞前賢之事跡間有存者倘不及時擴
摭至後必愈湮沒奚所考焉矧入我

朝

列聖相承車書一統玉雖褊邑涵濡雅化已逾百年且自改
縣至今

特恩屢沛百度維新不有紀述更何以詔後世爰是不揣固
陋偕諸同志焚膏繼晷其事排纂自舊家度閣以及荒

碑野塚金石斷刻靡不搜剔而於鄉賢人物忠孝節烈
有可考者甄綜尤汲汲焉計自經始以及觀今日私心
負疚而以增訂刪補望之後起也夫乾隆丁丑嘉平月
既望邑人田榕謹序

舊志序

失名

平之先古雄溪也事文類聚山堂考索諸集載沅州路自秦昭王伐楚取楚蠻彝地置黔中郡隋為峽州唐為法州巫州宋始改沅州而五溪隸焉雄五溪之一也漢史記武陵蠻叛伏波佩征蠻將軍印越二酉渡五溪而雄始見圖籍今城北遺跡有存者土人稱馬王而不名夫其山峒峻絕林木蓊鬱初為蠻王服習無疑乃騷經屈平浮湘而南遵溆浦導沅澧歌澧蘭沅芷而平溪實在沅之平便近都迨伏波慨毒淫於山川太白寄愁心於明月杜甫惜雲山之共李臯標石柱之銘雖蠻彝王長之時而忠臣達士才人墨客已有經歷其地咏歌其事者矣歷宋至元皆未有據惟衛治西南多曠地居

民耕種間得坵墓有碑勒夫人者有衣冠類貴倨者豈其時
亦文武將吏置守其間如父老所傳平故附盧陽縣歟然而
銘籍無鐫則文獻不足可知也盧陽即古麻陽一統志平溪
在麻陽境內明興洪武二十二年調諸萬戶於五方附五所
千百戶於郭內銓流職以參軍政籍六郡良家子五千六百
有奇以實防守據辰沅之上游當滇黔之孔道面山背水創
百雉雄圖刀耕火種仍夜即故習以銅鎮為北蔽頗無厝薪
之憂連清鎮為西鄰實借輔車之力灑溪東注食貨日蕃彝
種南蟠獠狔幾半屯田繡錯於思銅沅麻之鄉軍餉仰給於
辰瀘渝黔之賦風俗愿樸未雕人情華實相濟世皇中興平
始有學兩歲貢一士雖在遐陬而鎖鑰之寄禮樂之修較若

雄矣

舊志序

鄭逢元

平溪舊志久佚無傳僅憶其序有云吾里自建衛來地靈人傑戶誦家絃書香噴星斗之輝劍氣吐虹霓之色即此四語已可覘盛時大概矣至天啓年間豫章壇石熊公以江南巡撫謫戍平溪建鴻雪草堂吟詩作賦間與子衿遊玩山水謂此間形勢雄拔奇秀雖面前水淺有潺湲聲下則澄靜如武人釋甲胃雍雍於禮樂之堂灣環凝碧妙若畫圖愈以知風俗之醇而賢人君子之多也可無志乎集衆謀之余時為諸生逡巡侍坐乃云志地方者以人才為主如前之巡撫侯位御史唐一鵬起家進士侯則操江而名高南省唐則執簡而望重西臺舉人燕祖召累官憲副有直臣廉吏之名均有光

於史冊舉人鄭維藩工於賦詩有中晚之目聞舊乘多出其
手夫平溪一衛分耳論科目聯翩鵲起常不乏人甲子一科
多至五名內如萬君年策襟期曠達典故精通可十異日立
朝事業撐持衛事武職之功居多指揮鄭恂洪福鄭嗣賢洪
官鐵礪萬里鵬許邦帥張四維袁翰高冠於有光萬年旌李
逢陽等調劑衝繁能聲遠播文武並夾皆扶輿淑氣所鍾毓
也論人才則行誼繫之此中仕宦多兩袖清風不以姑臧自
潤囊篋蕭然者比比皆是亦可以風有位孝子則汪浩何恩
鄭嗣廉三人皆割股救親汪何有奉 旨旌表之坊鄭欠闡
揚之舉節婦則鄭門劉氏張門洪氏又劉門鄭氏皆少年守
節歷艱苦於八十或九十餘歲劉旌表有介石清操之額洪

旌表有慈節壽考及節有義方之額鄭則褒揚不及若此者
有幸有不幸耳海內名淹沒而不彰者可勝道哉景泰時建
大功以垂不朽無如指揮鄭泰擊滅逆苗救全一衛生靈衛
人德之建得勝樓御史余翱撰碑以紀其事至若景之奇妙
有萬卷書石蓮峯浮砂洲三者在一處次第而見石蓮聳於
山頂彷彿蓮瓣並峙一峯銳擬堯鑿在水口上若砥柱焉浮
砂洲拱起驛江之中面砂內空善水者知之砂非塊石也而
水流不去空亦不陷奇矣大比有中式者則洲長有角里人
以此十科第之有無多寡其萬卷書純石無土半在江心似
牙籤玉軸層層明白綿亘百餘丈高十丈帆檣上下靡不飽
看西南有飛鳳山似鳥鼓翅前一後一前大後小如引如從

山頂建刹士子讀書其上多有發者平溪之景不止四處而四者最聞每景之下名賢有詩甚佳今不可得欲強為補綴未必如昔人之賦瀟湘者熊之謙言若此商榷之後旋就舊志之殘缺者補之訛謬者訂之兩月告成真一方之幸也亡何崇禎末年世變城中荒草青燐熊志亦絕茲以衛公奉通志之命屬載筆焉拳拳無已未敢以老成凋謝為推世無龍門涑水豈遂無史乎乃揀後學之有筆性或諳於前事者列其款目給之筆札余老人董其成焉且囑之曰綺語傷繁質言傳信聞欲其確也若駢枝其說剪綵為花無為貴志矣由前言之述壇石公之言敷衍大概至於此後人文不乏總無濟於勝國何敢編入鴻章分別去取是又在夫操觚者雖然

18

又有說焉志者紀成事也已成者可紀未成者將無所需乎如城池有復隍之厄田糧欠清楚之舉夫馬無畫一之規居猶茅茨民尚凋殘前蒞茲上者當草創之時因陋就簡是以媵裏之病有待越人今幸山左王公諱士梓以世胄之賢展幹旋之手留心民瘼可免廢弛之憂但無米之炊巧婦難之或者易之屯卦大象曰雲雷屯君子以經綸盤根錯節豈異人任哉端有望於新硯匪淺也是為序

修志告示

趙沁

為纂刻邑志以重地方以垂永久事照得則壤定於夏書職
方列於周禮春秋百國人傳墨子之言水樞一編俗尚彝吾
之紀漢自龍門而後國史加詳唐由元和以還地志尤盛蓋
郡邑之志上之輜軒而遼師之掌採之史氏自古皆然於今
為烈維茲玉邑地接荆梁星分翼軫書堆萬卷靈巖吐宛委
之藏躔指七星秀嶺叶帝車之運緬遺館於鴻雪豫章藻翰
如新訪頽龜於石蓮掣蹋仙蹤宛在地靈因之人傑人往尚
未風微名公鉅卿登於簡冊忠臣孝子載在史編且應俊乂
之旁求科名稱盛兼人文之蔚起仕版流馨砥行立名戶皆
絃誦型仁講讓俗盡醇良是皆前事堪師抑亦古人足鑑本

分府分符黔中攝篆茲邑喜聞往烈輒動流連續考芳規惜多泯沒特因文獻之不足幾同曹鄆之無譏竊思邑之有志猶國之有史地方則學校典禮賦役兵防之必書人物則鄉賢列女忠孝節義之悉載倘若聽其殘缺有失編摩既無以彰既往更何以勸將來用是商諸縉紳採輯搜羅除牒移儒學外合行出示通曉為此示仰闔邑士庶人等知悉表德必從衆議務顯微而闡幽述事須有確徵甯闕疑以從慎旁搜以備甄錄博採以憑參稽毋漏毋遺有圖有志庶俾官斯土者籌疆域於戶庭而張弛允協生斯土者披風徽於指掌而興起爭先洵有益於地方良可垂之永久矣特示

修志小引

崇華

玉邑舊志聞前明時修於大司馬壇石熊公旋遭百六之
會灰燼無存 國初鄉諸先達繼有纂修又際逆藩之變
其稿亦多散佚遂使明三百年建衛設官沿革顛末並所
有忠孝節烈人物事蹟歲月久遠日就湮歿今已興歎無
徵異日何以備輶軒之採哉矧入我

朝列聖相承垂念邊省

恩綸疊沛自裁衛設縣凡所改建而添設者匪徒策一時之
治安實貽億萬年之樂利不有紀述後何由聞其詳悉其
盛耶今者恭逢 吳興趙公由郡別駕來攝邑篆甫及一
年政已有成輒慨然於縣志之未有成書也商之於予諏

吉闢館萃邑人士珥筆焉舉廢墜之典垂久遠之圖玉號
文獻之邦俾得復還舊觀詎非邑人士之厚幸歟夫繪圖
輯志上之職方備史氏之採擇固守土者所有事而收拾
舊聞表彰先烈亦邑人士之責也尚其踴躍從事共襄厥
成庶無負趙公昭往詔後之盛心而予以儒官預斯役焉
亦與有榮施哉是為引

玉屏縣志卷之首

凡例

一平溪衛舊志萬曆前凡兩修天啓五年大司馬豫章壇石熊公謫寓平溪復加增修明末俱遭灰燼康熙癸丑山左王公士梓蒞衛奉文纂修時秉筆者為鄉先達鄭公天虞洪公祚熙田公羲生許公開五劉公士琳旋遭吳逆之變稿多散佚且零碎紀錄未著有義例茲值吳興趙公由別駕來攝縣事培植地方留心風化銳意修舉發凡起例既經指授爰仿河南通志及前護府長洲蔣公深郡志例廣搜博採纂為十卷差有義例庶免雜亂

一星野舊志載翼軫分野又有惑於舊通志銅鎮思黎俱柳星之餘之說者今按湖廣通志所載武陵以上皆屬翼軫證以兩漢隋唐宋各正史說皆相合且今貴州通志銅鎮思黎俱訂正為翼軫因仍舊志但專析為軫天文茫昧事雖同於捫燭折衷衆說義無取於模稜

一區域自莊躋伐夜郎從沅水上道路漸通然猶為蠻獠盤踞古所稱五溪八蠻及九溪十八洞等名色地皆與焉但乎溪之名宋元史已有之今又改衛設縣通滇控楚區域雖小固一要地也故山川形勢關梁等類書之宜詳至民風土俗有關政治舊志但統論數語今仿各郡邑志例不辭鄙鎖略細紀述庶於先王省方觀政太

史問風採俗之意稍有合云

一城垣公署兵防等項初建繼修改隸添設必載緣起年月俾後有攷惟歲月久遠與夫雖未久遠而亦無案據者間從闕疑之義實抱守缺之憾至學校郡志列於建設今另為一志蓋凡建設城池在先故公署祠祀兵防等項得以城池領之學校建雖在後而尊

聖道崇祀典自當專為一志差存體要不至無別

一學校舊志止載

聖宮及名宦鄉賢忠孝節義等祠今備載秩祀之位以及祭器樂器歌章蓋例應備載玉雖歷未製備亦所當詳明而講習之者又安知將來不有遵奉而舉行之者與

一賦役以現奉賦役全書為準然沅麻兩屯自明建衛即在轄內今雖撥歸楚省其戶丁田賦亦必略存梗概以備查攷至物產為人生日用所資無論專產通產例得備載所謂為天下之大同不必一方之獨異者此類是也

一名官舊附人物志內殊非義例查各大郡邑皆專為一志第玉邑學宮所奉無有多位因仿郡志例列於職官之首而有遺愛於民未奉文入祀者附焉

一職官前明時惟經歷知事流官為文職自指揮使以下雖有管屯鎮撫諸務而考察在軍政故列文職之後而於武統內仍先列焉至

國朝設衛守備以武員理文職次即列焉以時代為先後例固然也至明設有參將守備及

本朝初設改駐防汛各員仍分時代為序但姓氏年分已有缺失者姑闕疑以待考

一舊志所載選舉惟科目差詳至恩選歲各貢則甚寥寥今所查出增入不啻倍之然所泯沒者尚多也若夫薦辟一途尤見用人無方為我

朝曠典而例監亦得附書焉

一人物中鄉賢忠孝節烈祀於學宮載在祀典者也其有雖未祀鄉賢實有無愧於鄉賢者舊志列為鄉望今兼衍通志之例以宦績懿行文學略為次第至若節孝之

倫除雍正以前歲次久遠姑仍舊志外後則先以
題旌建坊者列於前次志

題旌而 賜匾允入志者又次各 憲旌獎又次本縣當事
旌獎者重

王命紀 憲恩示激勸而敦倫教也其他流寓隱逸仙釋之
屬莫非人物各以類繫之

一大事一記創自中丞郭公黔記近多仿之或有謂所載
即兵防田賦職官中諸事嫌於重複不知所載諸事在
兵防各志中有僅一二語難以詳悉者且又有事雖相
關難以攔入者大之有裨於政治小之有資於見聞自
當別為一志以便省觀

一藝文一志一邦文獻存焉稽典章察政治彰先烈表懿行所關甚鉅即其流連景物感事懷人亦壯山川之色而增人物之光不憚廣為搜羅條其細目統以本綱分上中下三卷但無關於玉邑者不敢濫入或有辭欠雅馴者間亦從略云

按凡志乘之修必諮詢故老參稽往牒繼長增高方易為力今則惟有癸丑舊志略一冊又獲鄉賓高公鵬私錄一帙內有數條足資考證而已此他郡邑之志難於略而玉邑之志難於詳也但事實徵實無可考者毋容補綴言以傳信有可載者何嫌固陋惟人物志中德業事功固須表揚而忠孝節義尤關風教

前則據舊志紀載今惟遵 當事批允匪惟不敢或
濫實亦不敢或遺筆削有待知罪奚辭用贅數語敬
告來哲丁丑至日榕識

玉屏縣志修校姓氏

乾隆二十二年新刊

監修

貴州思州府知府前戶部廣東司員外郎閻

堽

高圖奉天人

總裁

貴州候補通判署思州府玉屏縣知縣趙

沁

滄洲長興人

參訂

貴州思州府玉屏縣儒學教諭前任陝西

咸陽縣知縣

柴

華

實也貴陽人

纂修

原任雲南保山安徽太平湖北安陸

三縣

知縣田

榕

瑞雲邑人

監刊

玉

屏

縣

典

史

冒

泰

思亭如阜人

採訪紳士

鄭必楷

洪澤

高選

參校

原任

奉天

義州

知州

鄭廷觀

遼五邑人

原任

山西

長治

縣

知縣

田樟

襄與邑人

舉人

高凌龍

洪瑾

洪琨

貢生

田棻

劉長治

田搏

洪治

胡之憲

夏家大

生員

田懋仁

洪璣

田煦

鄭椿秀

許翱

洪璜

鄭文思

鄭伯陽

鄭文思

鄭伯陽

於一芳

鄭文思

鄭文思

鄭文思

鄭文思

鄭文思

鄭文思

洪 璿

唐 錦

洪 琛

夏道敏

鄭稟秀

田均豫

夏世選

童儒鄭伯良

校對

生員

洪 法

鄭伯恭

賀廷樞

袁功定

田 燾

田均晉

經理局務

生員

田 秩

洪 蕪

鄭文林

田 熙

賀廷松

洪 瑛

預修紳士

洪屆昌

賀士弘

鄭弘績

夏家忠

鄭弘訓

侯世官

鄭文時

洪際昌

洪其權

鄭宇秀

田棉

高聯登

洪遐昌

周道

夏家善

唐登瀛

單世祿

孫之蔚

洪班

許耕

藝文志下

古今體詩

詩餘

縣志拾冊例贈修職郎先大父毓楨公所保存也同治三年
歲次甲子季冬月初七夜逆苗陷玉城屋宇灰燼人民死亡
過半先大父殉難小北門城上 殞歿時頭枕小袂一開視
乃縣志族譜兩書攜而藏諸笈中以為紀念物今縉紳士大
夫家均斷簡殘編惟此帙全璧玉邑精華不失亦云幸矣值
干戈擾攘骨肉分離臨死猶拳拳弗失保存之心迄今可想

見

昔

光緒十六年十二月初七日

孫

鄭以藩謹識

朽蛀有其舉之莫或廢之有其創之當思有以繼之而
已矣